

M095: St. Galler Glaube u. Beichte III

304,1 ich widersage deme tievele unde allen sînen werken . unde
304,2 aller sîner gezierde . unde geloube an einen got vater almehtigen
304,3 der dâr schepfære ist himels unde der erde . ich geloube an
304,4 sînen einenboren sun unser hêrren Jesum Christum . ich . geloube . an
den heiligen
304,5 geist . ich . geloube . die drîe namen ein gewæren got . unde enkeinen
304,6 andern . ich . geloube . daz der gotes sun geerndet wart von deme
304,7 heiligen engele ze unser vrouwen sanctae Mariae der êwigen megede .
304,8 und si in gebar . unde er getoufet wart . unde er gevangen wart
304,9 unde an daz kriuze erhenket wart . unde er dâr an erstarp . an der
mennischheit .
304,10 niut an der goteheit . unde er begraben wart . unde er von der
304,11 helle lôste alle die sînen willen hâten getân . unde daz er an deme
304,12 dritten tage erstuont . wære got unde wære mennische . unde er an
304,13 deme vierzigesteme tage . ze himel vuor dannen geloube ich in
304,14 kûmftic ze erteilen über lebente unde über tôten . ich . geloube . eine
kristenheit
304,15 allich unde gotelîche . ich . geloube . eine gemeinsame der heiligen . ich .
geloube .
304,16 nâch diseme lîbe den êwigen lîp . ich . geloube . daz ich ersterben sol .
unde aber
304,17 erstân sol . unde mir gelônnet werden sol nâch mînen werken .
304,18 den lôn vûrhte ich sêre wande ich gesündet hân . mit gedanken . mit
worten
304,19 mit werken . daz riuwet mich . unde ergibe mich schuldic
304,20 unserme hêrren . unde sînen heiligen . unde iu priester . unde bite
304,21 lîbe unde sêle vrist sament . unz ich mîne sünde gebüeze .
304,22 ich vergibe allen die mir ie getâten daz mir got alle mîne
304,23 schulde vergebe .